

Surodadu Romawié nasamponi ku'buru'Na Isa sibawa najagaiwi. De'gaga tau wedding muttama iyanéga massu'.




Narétko iyanaré paccappurena curitaé, temmaka pesséna nyawata. Iyakiya Allataala pancajiwi séddi karéba madécéng. Isa de' tette'namaté.



Maélé mupa ri esso makaséddié ri mingguéro, siaga ana'gurunNa Isa naruntu batu passampona ku'buru'é taggalétténi. Riwettunna muttama rilaleng, de'ni gaga Isa kuwaro.



Seddi makkunrai monro kerra' ri ku'buru'é. Engkani cumpa Isa lao ri aléna. Na larina lisu powadangngi iyananenna ana'-ana' gurunNa Isa sibawa mariyo-riyo. "TUWONI ISA! ISA TUWONI PAIMENG POLE RIAMA TENGENGE!"



Paskah Bunge'

Dé'namaitta puranaro engkani Isa cumpa ri ana'ana' gurunNa, nappitanni baté paku iya engkaé ri limanna sibawa ajéna. ISA TUWONI PAIMENG! Naddampengenni Petrus iya puraé sangkaliwi, nasuroni ana'-ana' gurunNa lao palettukengngi karéba madécéng lao ri sininna rupatauwé passalenna Isa Almasih. Lisuni paimeng lao ri suruga, onrong assalenna iya riyaseng Natal bunge'é.

Paskah Bunge'
Seddi curita polé riada-adanna Puang Allataala, Al Kitab,
riruntu' rilaleng
Matius 26-28, Lukas 22-24, Yohanes 13-21
"Rekko ripakanessai, ma'bbéréi tajang pappaguruwam-Mu." Mazmur 119:130


Parokina iyanaritu Edward Hughes
Pa'gambarana iyanaritu Janie Forest
Penterjemana iyanaritu Armin Sukri
Pengadaptasinna iyanaritu Lyn Doerksen
Curita 54 polé ri 60 nomoro
M1914.org
Bible for Children, PO Box 3, Winnipeg MB R3C 2G1 Canada
Ijin: Weedimmua rilemba iyané curitaé iyakiya de' nawedding ri balu'.

Puangngé naissengngi makkeda purani ripogau' maja'é, iya riyasengngé dosa. Pahukkungenna dosaé iyanaritu amaténg.
Iyakiya Puangngé makkumani namaséi ki' gangkana nabbéréyangngi Ana' tungké'na, Isa, untu' maté ri aju sall'i'é mpaja'l asalatta (dosata). Isa tuwai paimeng sibawa réwe'l ri suruga! Makkekkuwangngé naddampengngi dosa-dosata Puangngé.
Narétko maélóki' salaiwi dosata, mellauni' lao ri Puangngé: O Puang, mateppe'ka makkéda Isa matéwi nasaba' aléku, iyakiya tuwai paimeng. Muttamani' ri atuwoku sibawa addampengngi dosa-dosaku, kuwammengngi utarimai atuwong mabarué kowaétopa mannennungeng. Tulukka' tuwo sélaku ana'ta, Amin. Yohanes 3:16
Ribacawi kitta'é sibawa maddennuwangngi' lao ri Puangngé esso-esso!


Bugis



Engka séddi makkunrai tettong ri bulu'é, matanna tattujui lao riséddié pamandangang iya mapparesébebbuwaé. Ana'na manrasa-rasani.




Iyaro makkunrai, iyanaritu Maryam, tettongngi riséddéna onrong kegi Isa ripaku ri aju sall'i'é.



Pékkugiwi wedding iya kajiangngé? Magai Isa purani naola atuwong iya masennanggé iyakiya paccappuréna manrasa-rasai? Pékkugiwi Allataala nappessangngi ana'Na ri paku ri aju salli'é untu' maté kuwaro? Engkaga asalanna Isa? De'gaga pakkullénna Allataala?

3




DE! De'na gagal Allataala. Dé'gaga asalanna Isa. Aléna tette'I naisseng makkeda matéwi matu nasaba' dosana rupatauwé. Mappammula ana'lolona mupa, tomatowaé riaseng Simeon purani napowadang Maryam passalenna anrasa-rasangnéwé.

4




Siaga essona ride'napa nariuno Isa, engka makkunrai polé murapiwi ajéna Isa paké minnya' mabau. "naparénajami duwina," Naseng ana'-ana' gurun-Na. "Iyaro makkunraiye napogau'i gau' makessing." Makkeda Isa. "Napassadiyai esso amatéku." Seddi ada-ada makalallaing!

5



Napurana iyaro, Yudas, seddi ana'gurunNa Isa, engka seppulodua ana'gurunNa, nahianatiwi Isa nanabaluna lao ri imang Yahudié 30 duwi pera'.

6




Riwettunna perayaan Paskah Yahudi, Isa manré paccappurenni sibawa ana'-ana' gurunNa. Napowadanni mennang janci madécénna Allataala lao ri sininna iya pojiéngngi.

7



Nainappa Isa naalani seddi cawan sibawa roti untu' ménung sibawa manré massisama-sama. Iyanaré ripogau' untu' paréngngerangiwi makkeda tubunNa sibawa daraNa Isa purani riyabbéréyang untu' maddampengiwi dosa-dosata.

8




Napwadato'i Isa lao rimennang makkeda engka matu hianatiwi, na iya laingngé lari manengngi salaiwi. "De' ulari salaike." Mappébalini Petrus. "Ride'napa naoni manu'é, puarani muhianatika' wekka tellu." Makkeda Isa.

9




Rimawenninnana, laoni Isa massumpajang ri séddié tammeng riyaseng Getsemani. Ana'-ana' gurunNa iya maccowé'é matinro manengngi. "O Ambo'," massumpajangngi Isa, "...lappessanni lao iyaré cawangngé polé ri Aléku. Iyakiya, aja'na eloKu, sangadinna Elotana mancaji."

10



De'namaitta engkana rombongeng muttama ri tammengngé, ripimping ri Yudas. Isa de' namaéwa, iyakiya Petrus nawettai dacculinna ana' gurunna imangngé. Isa napasau'i paimeng iyaro dacculié, natakenna paimeng rionronna. Naissengngi Isa makkeda iyanaré bagéang rencanana Allataala.

11




Naritiwina Isa lao ri yolona imang loppoé. Pamimping Yahudié maéloi mpunoi Isa. Rise'déna tettonni Petrus mitai aga kajiangngéro. Wekka tellu engka tau makkutana lao ri Petrus, "Ikona sellaonna Isa." Wekkatellutopa nahianati Isa, pada-pada iya purae napowada Isa.

12




Namonina manu'é. Pada-pada sa'danna Allataala paréngngerangiwi Petrus. Nasadarini ada-adanNa Isa nakerra'na Petrus.

13




Yudas nasesse'toi aléna. Naissengngi makkeda Isa de'gaga salanna. Napalésuni paimeng iyaro 30 duwi pera'é, iyakiya imangngé de'na maélo tarimai. Nabbéyanna Yudas iyaro duwi'é, na lao massu' polé ri kotae nainappa nagattung aléna.

14



Imang-imangngé natiwini Isa lao ri Pilatus, gubernurna Roma. Makkeda Pilatus, "Dé'gaga uruntu' asalang ri iyaré tauwé." Iyakiya gora-gorani tau maégaé, "Salli'ni! Salli' nil!"

15



Napettuiwini Pilatus untu' salli'i Isa gangkana maté ri aju salli'é. Surodadué napeddinri Isa, namméccuwi rupanna, sibawa cambo'i. Nabburenni mahkota dori nainappa nataro riulunna Isa. Naripakuna Isa ri aju salli'é gangkana maté.

16



Isa naisseng mémenni makkeda maté matu naola iyaro caraéwé. Naissettoi makkeda amaténna tiwi asalamakeng lao risininna tau madosaé iya mateppe'é lao ri Aléna. Duwa panga iya ri salli'éto ri se'déna. Seddi mateppe' lao ri Isa - na muttama ri suruga. Iyakiya iyaro seddié de' namateppe'.

17



Rianrasa-rasanNa, makkedani Isa, "Genne'ni," na maté tona. Genne'ni aga iya purae napogau' Isa. Ana'-ana' gurunNa nakubburu'ni ri séddié ku'buru'.

18